



南瀛雅集唱和

◆陳挺

南瀛雅集感賦

紅塵白社兩因緣，海上題詩已廿年。  
樂府遺風思俊哲，騷壇種子仰先賢。  
他鄉邂逅閑雲聚，我輩耕耘片石傳。  
好把奚囊收客夢，瓊斯橋畔聳吟肩。

◆松濤

奉和陳挺兄《南瀛雅集感賦》韻

豪門雅集筆中緣，白社詩儔豈忘年。  
千島歌吟遊子意，南瀛勝會竹林賢。  
唐音偶對欣成趣，宋韻賡颺盛可傳。  
梁苑風流無俗輩，綺筵觴詠共摩肩。

◆客寧

步亞君兄寫《南瀛雅集感賦》

豪門慶宴詩緣，舊雨新知二十年。  
文化同根和為貴，徵衣別域島遺賢。  
寄懷鄉土憑吟詠，抒臆瓊斯尚繼傳。  
祈願太平烽燧息，天涯海角共擔肩。

◆藍山

奉和陳挺兄《南瀛雅集感賦》韻

筆花養艷一園緣，相惜相知賽壯年。  
互鑒親誠凝摯友，包容坦蕩匯群賢。  
放飛日月唐音伴，盤點春秋宋韻傳。  
小聚悠然天地闊，忘形可及杜康肩。

◆亦勵

步韻奉和陳挺詩兄《南瀛雅集感賦》

南瀛盟契證詩緣，風雨賡歌二十年。  
筆寫煙霞皆雅士，胸懷丘壑是時賢。  
清談偶與閒雲聚，逸韻還從片石傳。  
莫道浮生如過客，秋鴻社燕共詩肩。



◆施滄液

遊趵突泉

名泉趵突信無僞，灤水淵源意自悠。  
湯鼎沸喧驚躍鯉，舜弦逸響醉囚鷗。  
千叢柳竹添幽趣，十里亭台約勝遊。  
清氣泠泠爭潤物，一泓膏澤沛齊州。

青玉案·歲暮感懷

梅花香又相催老。對短臘，閒情少。  
瑟瑟寒林春待曉。韶華逝去，夢魂猶繞。  
雁字雲邊渺。  
依欄獨立斜殘照。濁酒清樽故人杳。  
凍骨蹣跚還自笑。別時南國，鶯啼芳草。  
回首滄桑道。

◆柳夢影

攜書野釣

野山踏破不辭遠，垂釣非圖食有魚。  
願將塵事拋桿外，換我清溪一卷書。

海南島天涯海角石上見郭沫若詩

得意春風汗漫遊，名成宜放五湖舟。  
到處江山留筆跡，人生至此復何求。  
詩跋：郭沫若人格頗受非議，但才調縱橫。  
解放後身居高位，到處遊山遊水。所到之處，展紙潑墨，處處留詩，好不快活。我去月往海南島時，見天涯海角臨海石上有其五律三首，意象新穎，可以寫得荒寒高古，也可以引入新的原素，都各有可讀。我很喜歡。

◆松濤

投老倦遊

霜雁冥飛千里遙，十年海客愧為僑。  
岷灣落日孤帆遠，聖院疏鐘入夜寥。  
故雨相逢追往事，佳朋共酌醉今宵。  
南都此別吟杯渺，投老倦遊誰弄潮。

冬至隨感

冬望陽生春未來，紅爐煖火試新醅。  
星周律轉蟄初出，節序日低今復回。  
賞詠窗扉霜後菊，喜看風雪臘前梅。  
寒枝點綴玲瓏玉，且待繁花次第開。

◆客寧

遊學——步松濤兄《投老倦遊》韻

暫別寒冬北陸遙，追春椰島燕飛僑。  
重逢舊識同詩酒，又會新朋不寂寥。  
雲白明窗堆積雪，海藍曲岸映良宵。  
南瀛一席週年慶，迭起唐音宋律潮。

憶江南·高飛

浪花遠，耳畔舊濤聲。鄰座虛空窗雨潑，  
長橋孤獨海風迎。雲上見天晴。

◆子偉

依韻酬松濤表叔《投老倦遊》

蓬身半世逐風飄，偶對星圖念遠僑。  
雨漲寒窗燈影冷，霧橫故麓葉聲凋。  
煎茶每憶獅峰月，負笈曾聽深澗潮。  
欲問歸舟安棹處，暮雲之外有漁樵。

祭金陵殤

金陵瘴鎖暮雲昏，廢壘頽壕血尚溫。  
九域霜風銷劍鏑，千秋淚雨漬苔根。  
寒鐘裂宇招殘魄，焦土凝碑泣舊痕。  
卅萬靈光銘汗簡，一輪孤月浸荒墩。

◆陳挺

韻和松濤兄《投老倦遊》

賓雁回歸北去遙，舊遊重話十年僑。  
椰鄉共醉妨清酒，勝日相逢仰碧寥。  
天地無私辰晷律，弟兄有約霽寒宵。  
憑罇指顧來時路，千島風雲滬海潮。

乙巳冬至四首

迎迓陽生不掩關，從容感詠世途艱。  
淡煙弱水鴻聲遠，短日寒雲草色閑。  
天赦難留殘歲月，夢魂時到舊家山。  
幾回回首紅塵老，可許徵人一淚潸。  
一晝微陽靜楚氛，澄清世界見閑身。  
亦空亦色原非假，無死無生不是真。  
白雪寒依冬習坎，黃鐘律轉斗臨寅。  
來朝造化回天地，萬象俱涵太古淳。  
飛花細逐朔風寒，惆悵冬闌到眼前。  
敗草林空南郭外，跼蹐簷落北窗邊。  
無驚豔色成陳跡，有恨穠華委逝川。  
應信春來消息近，憑虛縱目綠芊綿。  
節臨亞歲促歸期，人在征途寂寞時。  
回首百年何足嘆，銷魂萬里莫須疑。  
傷今弔古天難問，送往迎來事可知。  
離緒一肩行李重，關山咫尺困男兒。

◆王承天

冬節居菲口占

恰逢冬至處南蠻，日暖風恬藍蔚天。  
椰綠蕉黃田野外，背疏裙短露胸前。  
西洋嘉節星燈結，聖殿佳音井市傳。  
經典緣何書安語，獨令塵民互相殘。

冬至抒懷

異邦羈旅到如今，冬至陽生悅我心。  
幽景凝眸吟雅韻，清樽注酒酌知音。  
家山降雪梅初綻，日月穿梭歲欲臨。  
氣暖花妍知有日，故鄉春色趁時尋。

◆中元

冬至感賦

陽生冬節氣東來，園里飛花下九垓。  
北國雪飄斟小酒，湯圓水餃待春回。

安海濤聲

安海波濤浪不休，船寬水退石礁留。  
春潮戲蟹白沙舞，秋雁追魚青草謳。  
五里浮橋收眼底，龍山佛寺醉心頭。  
生鮮灘險筍蟲凍，浩瀚星洲莫乞求。

◆賴惜貞

冬至夜書

明窗月似霜，座上話家常。  
共品團圓暖，還從至夜長。  
適逢梅得意，拾取韻成章。  
一點初芽動，風攜斗轉陽。



◆少峰

鳳凰閣·寒夜讀書

寒宵燈瘦映書箋，夜冷侵軒。篇章漫展情千縷，任霜風、吹拍樓欄。  
唐宋韻中沈醉，漢秦史裏留連。  
殘茶無淡味猶原，緒共文牽。聖賢妙語催吾省，對青燈、雅趣無邊。  
且把塵勞拋卻，漫尋翰墨流年。

◆宸馨

永遇樂·冬夜讀書

冷月窺窗，繁霜鎖徑，黃卷低語。對岸虹燈，他鄉星斗，蘭室縈希古。  
香茶愜意，詩經舒嘯，一捧心無纖慮。敞虛襟、芸編細讀，似見聖賢來去。  
流光剪影，瑤章飛彩，寫盡人間情愫。世局如棋，儒言可鑒，莫問因何誤。  
塵囂遠隔，風雅相繞，但禱書舟遙渡。融吾夢，硯池沁雪，悲歡共旅。

◆老頑童

鳳凰閣·冬夜讀書

——步柳屯田「匆匆相見」原韻  
緣何勸讀？待已堪稱刻薄。顏如玉夢未圓卻。更別提黃金屋，捉雙欺削。  
古明訓、安能爽約？！  
生吞強背，到老毫無下落。繪牛成馬角非角。書本每臨冬夜，殭凍難托。  
苦差事、真真可惡！

◆凌子卉

望遠行·冬夜讀書

入眼書香思忖中，冬夜熱情濃。讀時容易悟時窮，癡客苦心紅。朝覓覓，夕尋尋。  
倚初明到如今。滿懷憧憬盼知音，行裡錦章道兒深。朔閱捲天地，對韻賦川林。

◆松濤

冬夜讀書

西風黃葉繞庭除，寒夜燈前半卷書。  
莫道山川多變化，方知日月付盈虛。  
詩囊羞澀閒愁老，腹里無文只字疏。  
飛雨敲窗誰伴讀，舊遊回首竟忘餘。

◆陳挺

喜晤香港東方之珠文化學會美慧會長

舊雨新朋幸盍簪，詩緣結契儼來臨。  
扶輪大雅金針手，領袖群英錦繡心。  
律手佳人稱粵海，掃眉才子譽雞林。  
南瀛短聚尤相洽，霽月光風足暢襟。

◆許清白

香港東方之珠文化學會

仙壇藝苑樹新風，灣仔明珠映日紅。  
向外傳承征路遠，詩林成立粵江隆。  
清詞雅韻吟不盡，古典幽香笑運通。  
拔起東方文戴德，紙箋筆墨頌高功。

◆老頑童

耶誕節有感

可笑凡人迎此日，全心吃喝樂烘烘。  
寧追市井搖錢樹，忽視園林聖誕紅。  
博愛宣揚成狗屁，硝煙肆虐罩蒼穹。  
耶蘇降世思懷淡，獸性衝霄戾氣中。

◆王承天

聖誕節感懷

鐘鳴聖殿鴿驚飛，普世佳音忒式微。  
烽火連延焚樂土，雙標安斷釀危機。  
強權劃界誰為許，強盜侵疆獨犯非。  
重把耶蘇釘十架，何時世泰主無知。

◆客寧

學步承天兄寫《聖誕節感懷》

頌詩樂曲漫天飛，燈飾迷蒙遍翠微。  
難溯星光天使夜，久鳴雷達隱身機。  
不容弱勢維疆土，只許強權定是非。  
摧毀文明迎末日，繭房信息蔽良知。

◆客寧

冬夜讀書

冬夜翻書二戰煙，霧團不散月窗前。  
文明進退無常勢，風水輪回有兆年。  
怒海刀兵仇恨誓，滔天血淚孕生篇。  
太平世界成虛妄，烽火歸因戾氣燃。

◆王承天

冬夜讀書

二戰史書冬夜觀，疑思百感不心安。  
浮沈政局多風雨，進退文明少俊賢，  
黷武腥風生禍孽，侵疆血水肆災難。  
紅塵未見清平紀，又復地球烽火燃。  
寒霖深夜打窗紗，案上翻書品綠茶。  
卷裡乾坤觀史蹟，壺中日月忘塵沙。  
風吹竹影疑人至，雨過天晴有月斜。  
幾歷滄桑趨盛世，此心安處即吾家。

◆農夫

冬夜讀書

客舍暖冬明月夜，金波伴我讀書忙。  
當年還算教師匠，今日竟成科技盲。  
十歲小孫題一道，八旬老漢解無方。  
取來課本從頭學，順把痴呆頑症防。

◆工友

返步農夫《冬夜讀書》

化外冬寒連夜讀，傷風怠冒慎嚴防。  
關心護體消疵恙，注意溫身勝藥方。  
少小曾經攻韻譜，耄齡幸免作詩盲。  
方今電腦成時尚，一冊難求最夠忙。

◆醺人

青玉案·冬夜讀書

——原步東坡學士「三年枕上吳中路」  
啃書冬夜天涯路。硬撐著、求知去。伴讀黃湯宵易度。古今綜括，分門別類，各顯稱心處，  
老莊明豁儒垂暮。唐宋詩詞有佳句。棄善隨塵君不許。遊居化外，得親文化，閱幾番風雨。

返步奉和和宸馨吟長

《永遇樂·冬夜讀書》

對月謀醺，有書為伴，聊舒孤旅。午夜冬寒，黃湯添暖，客次陶然渡。舉杯暢飲，秉燈細讀，難保完全無誤。除詩酒、其他不敏，唯恐錯傳真悻。  
人生短促，且求飄逸，裝醉找青蓮去。疊韻酬吟，傾談闊論，灑脫消塵慮。踢開封建，單從明哲，坦蕩抒描今古。卻爭奈、曲高和寡，與誰共語？！

◆修竹

七絕三首次韻專題海報《大刀·祭》詩

回看倭降八十年，何曾悔罪恥其前。  
幽靈又構新軍國，鬼魅招搖散毒煙。  
禍亂吾疆數百年，仇深巨憤壓胸前。  
韜光淬得誅魔刀，誓砍污顛滅瘴煙。  
血漬刀痕記昔年，冤魂卅萬祭從前。  
鐘鳴警世驚餘孽，浩氣狂飈碧海煙。

◆老頑童

返步奉和修竹兄《大刀·祭》三首

獸性天皇肇炮煙，淋淋血滴史書前。  
九幺八迄八幺五，抗戰何僅是八年。  
不管倭奴障眼煙，三千萬道枉魂前。  
妖言鬼話終難抹，罪證長存免計年。  
虔祈再別見硝煙，國泰民安望向前。  
祭畢尤須知教訓，無窮受用有生年。



◆陳欣欣

清平樂二首

一、深滬魚丸

摔打聲浪。纖指揉珠狀。細膩柔膠芳津漾。足顯海濱匠匠。  
碗中粒粒豐盈。舌尖縷縷香清。若問魚丸出處，深滬遠近馳名。

二、牛肉羹

嫩肉輕躍。琥珀鍋中爍。勾芡姜芹迷嗅覺。湯沸羹香盈閣。  
一碗如玉浮沈。百草含蓄厚深。美味驅寒溫補，人間至暖縈心。